

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-383/24
Mostar, 23.12.2024. godine

IZVOD IZ ZAPISNIKA
sa četrnaeste (XIV) redovne sjednice Skupštine
Hercegovačko-neretvanskog kantona

Sjednica je održana dana 23.12.2024. u sali Skupštine Hercegovačko-neretvanskog kantona u Mostaru s početkom rada u 13:00 sati.

Sjednicu je otvorio Džafer Alić predsjedavajući Skupštine Hercegovačko-neretvanskog kantona.

Predsjedavajući Skupštine HNK Džafer Alić obavijestio je poslanike da je održanom sjednicom Kolegija Skupštine HNK zaprimljen zahtjev sindikata obrazovanja HNK za obraćanje na današnjoj sjednici Skupštine, uslijed čega je Kolegij Skupštine HNK donio Odluku da se na sjednici obrati jedan predstavnik sindikata i poslanike upozna o situaciji i toku štrajka osnovnog i srednjeg obrazovanja. Sindikat je predložio odnosno delegirao gospođu Edinu Čomić da se obrati na Skupštini.

Edina Čomić dala je obrazloženje i upoznala poslanike o situaciji i toku štrajka osnovnog i srednjeg obrazovanja.

Konstatovano je da je na sjednici prisutno **24** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija, predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine HNK Džafer Alić obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine:

1. Poslanička pitanja,
2. Nacrt Budžeta HNK za 2025. godinu,
3. Nacrt Zakona o izvršenju Budžeta HNK za 2025. godinu,
4. Odluka o privremenom finansiranju javnih potreba Hercegovačko-neretvanskog kantona za prvo tromjesjeće 2025. godine,
5. Prijedlog Zakona o izmjenama i dopunama Zakona o materijalnoj podršci porodicama s djecom (skraćeni postupak),
6. Prijedlog Zakona o socijalnoj zaštiti,
7. Prijedlog Zakona o studentskom radu u HNK (skraćeni postupak),
8. Nacrt Zakona o kulturi,
9. Nacrt Zakona o upravljanju i održavanju zajedničkih dijelova i uređaja zgrada,
10. Prijedlog Odluke o utvrđivanju osnovica, stopa i načinu obračuna i uplate doprinosa za obavezno zdravstveno osiguranje na području HNK.

Otvorena je rasprava po prijedlogu dnevnog reda.

U raspravi su učestvovali: Vesna Šunjić, predsjedavajući Skupštine HNK Džafer Alić, Ivan Odak, Arman Zalihić, Salmir Kaplan, Oliver Soldo, Mirko Vasilj, Omer Hujdur i Tomislav Martinović.

Na prijedlog poslanice Vesne Šunjić formulisan je Zaključak koji će biti prijedlog dnevnog reda a vezano za Informaciju o poduzetim aktivnostima u jedinicama lokalne samouprave (Mostar, Konjic, Jablanica) nakon prirodne nepogode koja je pogodila navedene jedinice lokalne samouprave 4.10.2024.godine.

Na prijedlog poslanika Ivana Odaka formulisan je Zaključak koji će biti prijedlog dnevnog reda a vezano za zaduženje Vlade HNK da u propisanom roku koji će biti naveden u Zaključku dostavi Informaciju o osnovnom, srednjem i visokom obrazovanju.

Obavljeno je glasanje da se tačka 5. Prijedlog Zakona o izmjenama i dopunama Zakona o materijalnoj potpori obitelji sa djecom razmatra po skraćenom postupku.

Nakon glasanja konstatovano je da je većinom glasova usvojen prijedlog da se tačka 5. Prijedlog Zakona o izmjenama i dopunama Zakona o materijalnoj podršci porodicama sa djecom glasa razmatra po skraćenom postupku.

Obavljeno je glasanje da se točka 7. Prijedlog Zakona o studentskom radu u HNK razmatra po skraćenom postupku.

Nakon glasanja konstatovano je da je većinom glasova usvojen prijedlog da se o tačka 7. Prijedlog Zakona o studentskom radu u HNK razmatra po skraćenom postupku.

Obavljeno je glasanje o dopuni dnevnog reda 14. Redovne sjednice Skupštine HNK sa predloženim Zaključkom:

- 1.Zadužuje se Vlada HNK da u roku od 10 dana dostavi cjelovitu Informaciju o stanju u osnovnom i srednjem obrazovanju sa prijedlogom mjera.*
- 2.Zadužuje se Vlada HNK da u roku od 30 dana dostavi cjelovitu Informaciju o stanju u visokom obrazovanju sa prijedlogom mjera, radi razmatranja na sjednici Skupštine HNK.*
- 3.Odmah po prijemu materijala Kolegij će zakazati tematsku sjednicu Skupštine HNK.*
- 4.Zaključak stupa na snagu danom donošenja, a objavit će se u „Narodnim novinama Hercegovačko-neretvanskog kantona“.*

Nakon glasanja konstatovano je da je navedeni Zaključak jednoglasno uvršten kao dopuna dnevnog reda 14. Redovne sjednice Skupštine HNK.

Obavljeno je glasanje o dopuni dnevnog reda 14. Redovne sjednice Skupštine HNK sa predloženim Zaključkom:

- 1.Zadužuje se Vlada da u roku od 30 dana dostavi i na prvoj sljedećoj sjednici prezentuje Skupštini Informaciju o poduzetim aktivnostima u jedinicama lokalne samouprave (Mostar, Konjic, Jablanica) nakon prirodne nepogode koja je pogodila ove jedinice lokalne samouprave 4.10.2024.godine.*
- 2.Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.*

Nakon glasanja konstatovano je da je navedeni Zaključak jednoglasno uvršten kao dopuna dnevnog reda 14. Redovne sjednice Skupštine HNK.

Obavljeno je glasanje o dnevnom redu 14. redovne sjednice Skupštine HNK sa usvojenim dopunama.

Nakon glasanja konstatovano je da je dnevni red 14. Redovne sjednice usvojen sa 21 glasom „Za“ i 1 „Suzdržanim“ glasom.

1. Poslanička pitanja

Poslanik Oliver Soldo:

Podnosim zastupničku inicijativu Ministarstvu poljoprivrede, vodoprivrede i šumarstva te Ministarstvu trgovine turizma i zaštite okoliša. U ime svih pčelara naše županije, a osobito osoba s invaliditetom kojima je pčelarstvo i psihosocijalna rehabilitacija te integracija u društvo. Pokrećem zastupničku inicijativu da se pristupi sustavnijem uređenju oblasti pčelarstva s posebnim naglaskom na stvaranje preduvjeta za medene staze kao novog oblika apiturizma u našoj županiji .

Poslanica Danijela Mišura:

Imam jednu inicijativu za Ministarstvo znanosti, kulture i športa na čelu sa ministrom Velagićem. Poštovani, ponukana čestim napadima na škole i učenike u SAD u i nedavnim događajima u Beogradu i prošlotjednim u Zagrebu, smatram da bi Ministarstvo znanosti, kulture i športa na čelu sa ministrom Velagićem trebalo poraditi na povećanju sigurnosti učenika u školama. Moj prijedlog bi bio uvesti strožu kontrolu pri ulaženju u škole ili kroz uvođenje zaštitara ili već postojeće osoblje zadužiti kroz neki vid dežurstva. Mislim da ćete se složiti svi da je pitanje dana kada bi se to i kod nas negdje moglo dogoditi. Zato bi bilo dobro reagirati na vrijeme.

Poslanica Vesna Šunjić:

Moja prva inicijativa je ministru Bevandi za osnivanjem Zavoda za liječenje ovisnosti u skladu s člankom 113. Zakona o zdravstvenoj zaštiti, preuzimanjem osnivačkih ili osnivačkih prava Centra za prevenciju i izvanbolničko liječenje ovisnosti Grada Mostara i proširenjem djelatnosti na prevenciju, liječenje ovisnosti o kocki, alkoholu, računalnim igricama i ostalim prepoznatim oblicima ovisnosti.

Zastupnička inicijativa za ministra Velagića: Dostavljam zastupničku inicijativu za žurno pokretanje procesa preuzimanja osnivačkih, odnosno suosnivačkih prava na javnim visokoškolskim ustanovama u HNŽ/K radi neriješenog financiranja i nezavidnog položaja nastavnog i nenastavnog osoblja, pada kvaliteta obrazovanja i previsokih školarina.

Zastupničko pitanje za ministra Karanovića i glavnog kantonalnog tužitelja: Molim da mi dostavite trenutni status procesa koji je pokrenut od strane kantonalnog tužiteljstva u slučaju brutalnog premlaćivanja maloljetnika u kolovozu u Mostaru kod Sportsko rekreacijskog centra Kantarevac. Ukoliko proces još nije okončan ljubazno, molim planiran datum okončanja. Kantonalna tužiteljstvo najavilo je žurno poduzimanje svih potrebnih radnji oko utvrđivanja svih okolnosti vezanih za slučaj potrebna vještačenja i saslušavanje svjedoka. Obzirom da se radi o brutalnom premlaćivanju maloljetnika koji je pretučen i ostavljen na cesti. Od iznimne je važnosti za oštećenog maloljetnika, njegovu obitelj, ali i cjelokupnu javnost da pokrenuti proces dobije konačno i epilog. Zastupničko pitanje za ministra Vejzovića i gospođu Miličević, ravnateljicu Zavoda za zaštitu kulturne i studijske baštine HNK. Što planirate poduzeti po pitanju nezakonitih trajnih prenamjena državnog poljoprivrednog zemljišta u građevinsko zemljište za potrebe solarnih postrojenja koje je u prethodnim godinama odobrilo Ministarstvo poljoprivrede. Ministarstvo privrede je svjesno

zaobilazeći članak 32. Zakona o poljoprivrednom zemljištu koji regulira prostorno plansku usklađenost planova nižeg reda s prostornim planovima višeg reda. Što planirate poduzeti po pitanju uništavanja kulturno povijesne baštine, odnosno ravnjanja ilirskih nadgrobničkih humaka prilikom izgradnje solarnih postrojenja. Vlada HNŽ-a izdala je značajan broj koncesija na ogromne površine državnog, poljoprivrednog i šumskog zemljišta temeljem nezakonite trajne pretvorbe državnog poljoprivrednog zemljišta u građevinsko zemljište, čiju nezakonitost je potvrdio i Ustavni sud. Investitori su teškom mehanizacijom, uništili državno šumsko i poljoprivredno zemljište, uništili kulturno povijesnu baštinu i baštinu i svakodnevno uništavaju za potrebe solarnih postrojenja. Neka od postrojenja su već završena, izgrađena su ilegalne trafostanice na državnom zemljištu.

Poslanik Ivan Odak:

Zastupničko pitanje upućujem ZZO. Poštovani, po kojem izračunu su podijeljena sredstva u zadnjem rebalansu između zdravstvenih ustanova te koji je odnos sredstava između primarne i sekundarne zdravstvene zaštite. Po kojem zakonu, Zavod zdravstvenog osiguranja izdvaja sredstva za zdravstvene ustanove. Znamo da to nije u njihovoj nadležnosti, odnosno to su sredstva zdravstvenih osiguranika koja se trebaju koristiti za poboljšanje usluga u zdravstvu, skraćivanja listi čekanja, a ne za nabavku opreme i sličnog. Tražim da mi se dostavi ugovor između Zavoda i javnih zdravstvenih ustanova i molim odgovor pismenim putem na zadnjoj sjednici ovdje.

Poslanica Ivana Buntić Jovanović:

Danas imam dvije inicijative. Prva inicijativa je za Ministarstvo prosvjete, znanosti, kulture i sporta gospodinu Adnanu Velagiću. Iako je moja inicijativa na istom tragu, kao i ona kolegice Mišura i ja ću je pročitati jer smatram da je jako bitna. Moja inicijativa glasi: Uvođenje dodatnih sigurnosnih mjera u obrazovne ustanove.

Moja druga inicijativa je prema Upravi za civilnu zaštitu i vatrogastvo Hercegovačko neretvanske županije, a ona glasi: Podnosim inicijativu da se iz vaših sredstava osiguraju sredstva za nabavku posebnog drona naziva DGA Matris 30TC2. Za korištenje HGSS a Čapljina.

Poslanik Mirko Vasilj:

Inicijativa je prema vladi HNŽ-a, odnosno resornom ministarstvu zdravstva i socijalne skrbi i rukovodstvu Skupštine za sazivanje tematske sjednice Skupštine u mjesecu siječnju 25-te sa sljedećim dnevnim redom: Upoznavanje s inicijativama za donošenje seta mjera u cilju podrške natalitetu te jačanju obitelji s troje ili više djece. Inicijative, dječji dodatak za obitelji s troje ili više djece bez imovinskog cenzusa. Subvencioniranje boravka u vrtićkim ustanovama od 50 do 100 posto za djecu iz ovih obitelji, subvencioniranje troškova produženog školskog boravka. Besplatni udžbenici za srednju školu, djeci iz višečlane obitelji, uvećanje školskih i studentskih stipendija za djecu iz višečlane obitelji. U postupku prijema radnika u radni odnos s kandidatima roditeljima višečlane obitelji uvesti kriteriji za dodatno bodovanje po tom osnovu. Stambeno zbrinjavanje kroz subvencioniranje stambenog

zbrinjavanja obitelji s troje i više djece. Subvencioniram troškova zakupnine stambenog prostora za obitelji sa troje i više djece, dodjela stanova na korištenje tim obiteljima i poticajna pronatalitetna subvencija proširenja ili zamjena stambene jedinice zbog rađanja trećeg i svakog sljedećeg djeteta. Nadalje uvećan iznos svih modela novčanih poticaja u poljoprivredi, ruralnom razvoju i ostalim programima, prijedlog, uvećati iznosi minimalno 30% za obitelji troje i više djece. U podršci za pokretanje startup i drugih privrednih poticaja, povećati novčane iznose za poslovne subjekte čiji su vlasnici iz obitelji s troje i više djece kao i ostale mjere.

Druga inicijativa odnosno zahtjev na temelju izlaganja čak i kolege Martinovića dostavljam zastupničku inicijativu, to je zahtjev rukovodstvu Skupštine za uvrštavanje na dnevni red prve naredne sjednice Skupštine HNŽ u 2025 godinu sljedeću točku dnevnog reda: Akcijski plan i status preporuka na dan 31.12.2024. godine za zatvaranje preporuka iz nalaza revizije ureda za reviziju institucija Federacije za SKB Mostar, Zavod zdravstvenog osiguranja HNŽ i Ministarstvo financija HNŽ sa zahtjevom da točke dnevnog reda predstavljaju nadležne osobe ispred revidirane institucije kao i precizirani zahtjevom za dostavom materijala, informacija skupštinskim zastupnicima o svakoj preporuci za sve tri revidirane institucije.

Poslanik Josip Grbavac:

Imam pitanje za Ministra obrazovanja kulture i sporta g. Adnan Velagića. Poštovani, zašto škole u našoj županiji na kraju prvog polugodišta od resornog Ministarstva nisu dobile nikakav dopis sa uputama ili informacijama s obzirom da se nalazimo u ovakvoj situaciji, situaciji štrajka?

Poslanica Sadina Hejub:

Upućujem inicijativu Vladi HNK da hitno pristupi otklanjanju prepreka za formiranje prihvatnog centra ustanove u koje bi bili smještene žrtve trgovine djecom i žrtve trgovine odraslim ljudima.

2. Nacrt Budžeta HNK za 2025. godinu

Obrazloženje je dala Marija Buhač, predsjednica Vlade HNK.

Otvorena je diskusija.

U diskusiji su učestvovali: Ivana Buntić-Jovanović, Ivan Odak, Zoran Krešić, Marija Matuško, Slavko Bilić, Omer Hujdur, Vesna Šunjić, Mirko Vasilj i Josip Grbavac.

Ispred Komisije za budžet, finansije i ekonomsku politiku obrazloženje je dala Marija Matuško, predsjednica istog:

Daje se pozitivno mišljenje na Nacrt Budžeta HNK za 2025. godinu.

Komslija nema primjedbi na spomenuti Nacrt Budžeta za 2025. godinu te se kao takav upućuje u daljnju skupštinsku proceduru.

Predsjedavajući Skupštine HNK Džafer Alić predložio je slijedeći Zaključak:

1. Prihvata se Nacrt Budžeta HNK za 2025. godinu kao dobra osnova za izradu Prijedloga Budžeta.
 2. Primjedbe i prijedlozi na Nacrt Budžeta iznijeti na sjednici Skupštine dostaviti će se Vladi HNK na razmatranje.
 3. Zaključak stupa na snagu od dana donošenja a objavit će se u Službenim novinama HNK.
- Obavljeno je glasanje o navedenom Zaključku.
- Nakon glasanja konstatovano je da je sa 15 glasova „Za“ i 5 „Suzdržanih“ glasova usvojen Nacrt Budžeta HNK za 2025. godinu.

3. Nacrt Zakona o izvršenju Budžeta HNK za 2025. godinu

Obrazloženje je dao Adil Šuta, ministar finansija u Vladi HNK.

Otvorena je diskusija.

U diskusiji su učestvovali: Daniel Babić i Marija Matuško.

Ispred Komisije za zakonodavno pravna pitanja obrazloženje je dao Daniel Babić, predsjednik istog:

Komsija je usvojila Zaključak da Nacrt Zakona o izvršenju Budžeta HNK za 2025. godinu ima ustavni zakonski osnov za donošenje i da je dostavljen od strane ovlaštenog predlagatelja. Komsija nema formalnih primjedbi na sadržaj i postupak donošenja Zakona i kao takav upućuje u daljnju skupštinsku proceduru.

Ispred Komisije za budžet, finansije i ekonomsku politiku obrazloženje je dala Marija Matuško, predsjednica istog:

Komisija daje pozitivno mišljenje na Nacrt Zakona o izvršenju Budžeta za 2025. godinu.

Komisija nema primjedbi na spomenuti Nacrt Zakona te se kao takav upućuje u daljnju skupštinsku proceduru.

Predsjedavajući Skupštine HNK Džafer Alić predložio je slijedeći Zaključak:

1. Prihvća se Nacrt Zaključka Zakona o izvršenju Budžeta HNK za 2025. godinu kao dobra osnova za izradu Prijedloga Zakona o izvršenju Budžeta.
 2. Zaključak stupa na snagu danom donošenja a objavit će se u Službenim novinama HNK.
- Obavljeno je glasanje o navedenom Zaključku.
- Nakon glasanja konstatovano je da je sa 15 glasova „Za“ i 4 „Suzdržana“ glasa usvojen Nacrt Zakona o izvršenju Budžeta HNK za 2025. godinu.

4. Odluka o privremenom finansiranju javnih potreba Hercegovačko-neretvanskog kantona za prvo tromjesečje 2025. godine

Obrazloženje je dao Adil Šuta, ministar finansija u Vladi HNK.

Ispred Komisije za Budžet, finansije i ekonomsku politiku obrazloženje je dala Marija Matuško, predsjednica istog:

Komisija daje pozitivno mišljenje na Odluku o privremenom finansiranju javnih potreba HNK za prvo tromjesečje 2025. godine.

Komisija nema primjedbi na spomenutu Odluku te je kao takvu upućuje je u daljnju skupštinsku proceduru.

Otvorena je diskusija.

U raspravi nije nitko učestvovao.

Obavljeno je glasanje o Odluci o privremenom finansiranju javnih potreba Hercegovačko-neretvanskog kantona za prvo tromjesečje 2025. godine.

Nakon glasanja konstatovano je da je sa 15 glasova „Za“ i 3 „Suzdržana“ glasa usvojena Odluka o privremenom finansiranju javnih potreba Hercegovačko-neretvanskog kantona za prvo tromjesečje 2025. godine.

5. Prijedlog Zakona o izmjenama i dopunama Zakona o materijalnoj podršci porodicama s djecom (skraćeni postupak)

Obrazloženje je dao Milenko Bevanda, ministar zdravstva, rada i socijalne zaštite u Vladi HNK.

Otvorena je diskusija.

Ispred Komisije za zakonodavno pravna pitanja obrazloženje je dao Daniel Babić, predsjednik istog:

Komisija je razmatrala dostavljeni Prijedlog Zakona o izmjenama i dopunama Zakona o materijalnoj podršci porodicama s djecom, te je jednoglasno usvojen Zaključak da Prijedlog Zakona o izmjenama i dopunama Zakona o materijalnoj podršci porodicama s djecom ima ustavni, zakonski osnov za donošenje i dostavljen je od strane ovlaštenog predlagatelja.

Na dostavljeni Prijedlog Zakona Komisija nema formalnih primjedbi na sadržaj i postupak donošenja te se kao takav upućuje u daljnju skupštinsku proceduru.

Ispunjeni su svi uslovi da se Zakon sukladno članu 125. Poslovnika o radu Skupštine razmatra po skraćenom postupku.

Poslanik Mirko Vasilj predložio je slijedeći **amandman**:

Amandman 1:

U članu 14. dodaje se tačka j): „novčane pomoći za roditelja odgojitelja“.

U članu 15. stav 1. mijenja se i glasi: „Prava iz člana 14. tačke a), b), c), d) i j) ovog Zakona ostvaruju se pod uvjetima, na način i u postupku utvrđenim ovim Zakonom.

Nakon člana 33. dodaju novi članovi 34., 35., 36.,37., a postojeći članovi počevši od postojećeg člana 34. mijenjaju svoju numeraciju zbog dodavanja novih članova.

Dodaje se novi član 34. koji glasi: „Ovim Zakonom uređuju uvjeti, način i postupak ostvarivanja novčane pomoći za roditelja odgojitelja u daljnjem tekstu novčana pomoć koju osigurava HNK u skladu sa svojom pronatalitetnom politikom i demografskim kretanjima na području kantona.“

Dodaje se novi član 35. koji glasi: „Pod pojmom roditelj odgojitelj u smislu ove Odluke smatra se majka ili otac djeteta, udomitelj ili druga osoba temeljem kojeg ostvaruje novčanu pomoć, povjereno na brigu i odgoj odlukom nadležnog tijela, a koje u zajedničkom kućanstvu živi s najmanje troje djece od kojih najmlađe dijete još nije polaznik osnovnoškolskog programa obrazovanja, a najstarije dijete u trenutku podnošenja zahtjeva nije starije od 18 godina života, te koja ispunjava i ostale uvijete propisane ovim Zakonom. Roditelj odgajatelj mora biti državljanin BiH koji ima neprekidno prijavljeno prebivalište na području HNK-a od najmanje 5 godina, neposredno prije podnošenja zahtjeva i dalje neprekidno dok prima novčanu pomoć.“

Dodaje se novi član 36. koji glasi: „Novčana pomoć se isplaćuje mjesečno po sljedećim kategorijama: roditelj odgojitelj s troje djece, najmanje 28 % prosječne plaće Federacije BiH važeće u mjesecu donošenja proračuna za tekuću proračunsku godinu. Roditelj odgajatelj s četvero i više djece najmanje 40 % prosječne plaće FBiH važeći u mjesecu donošenja proračuna za tekuću godinu.“

Dodaje se novi član 37. koji glasi: „Pravo na novčanu pomoć prestaje posljednjeg dana u mjesecu u kojem je najmlađe dijete navršilo 12 godina života, posljednjeg dana u mjesecu u kojem je objavljen prebivalište iz HNK-a roditelja odgajatelja, posljednjeg dana u mjesecu u kojem se dijete za koje je ostvarena novčana pomoć i ostala djeca ispisana iz osnovne škole, i posljednjeg dana u mjesecu u kojem se navršava 6 mjeseci od kada je preminulo dijete temeljem koga je ostvarena novčana pomoć. Korisnik prava na novčanu pomoć dužan je prijaviti nadležnom Centru za socijalni rad, odnosno Službi socijalne skrbi u jedinicama lokalne samouprave u kojima nije osnovan Centar svaku promjenu činjenica koja utječu na ostvarivanje prava novčane pomoći za roditelja odgajatelja propisanih ovim Zakonom u roku od 15 dana od dana nastanka promjene, a do 15. siječnja svake godine dužan je dostaviti potrebne dokaze na temelju kojih potražuje pravo. U slučaju da roditelj odgajatelj kao korisnik novčane pomoći ne prijavi promjenu činjenica koje utječu na ostvareno pravo dužan je izvršiti povrat uplaćenih sredstava novčane pomoći u proračun HNK-a.“

Zastupnica Danijela Mišura predložila je sljedeći **amandman**:

Amandman 1.:

U članu 5. vezano za član 21. „c“ (visina dječjeg dohotka) - Visinu dječjeg dodatka povećati na 20 % umjesto 19 %.

U članu 6. vezano za član 21 „d“ (priznavanje i trajanje prava) - U stavu 2. sa 15. septembra produžiti na 30. septembra. U stavu 3 sa 15. septembra produžiti na 30. septembra.

U Članu 7. vezano za član 21 „e“ - U stavku 1 rok od 15 dana produžiti na 30 dana.

U članu 8. vezano za član 27. (obveze Centra i korisnika prava).

U stavu 1. rok od 8 dana produžiti na 15 dana.

U stavu 2. rok od 15 dana produžiti 30 dana.

Predsjedavajući Skupštine HNK Džafer Alić obavijestio je poslanike da će se raspravljati o Prijedlogu Zakona o socijalnoj skrbi koji se nalazi kao sljedeća točka dnevnoga reda, a Vladi će se ostaviti mogućnost da se očituje nakon završenih rasprava i uloženi amandmani na Zakone koji se nalaze na dnevnom redu 14. Redovne sjednice Skupštine HNK.

Poslanik Arman Zalihić predložio je slijedeći **amandman**:

Amandman 1.:

U članu 13. iza riječi „Kantona“, riječi: „a primjenjivati će se od 1.1.2025. godine“, brišu se.

6. Prijedlog Zakona o socijalnoj zaštiti

Obrazloženje su dali Milenko Bevanda, ministar zdravstva, rada i socijalne zaštite u Vladi HNK i Alma Kozo pomoćnica ministra zdravstva, rada i socijalne zaštite u Vladi HNK.

Otvorena je diskusija.

Ispred Komisije za zakonodavno pravna pitanja obrazloženje je dao Daniel Babić, predsjednik istog:

Komisija za zakonodavna i pravna pitanja na današnjoj sjednici razmatralo dostavljeni Prijedlog Zakona o socijalnoj zaštiti te je jednoglasno usvojilo Zaključak da dostavljeni Prijedlog Zakona ima ustavni i zakonski osnov za donošenje, dostavljen je od strane ovlaštenog predlagatelja.

Na dostavljeni Prijedlog Zakona Komisija nema formalnih primjedbi na sadržaj i postupak donošenja Zakona i kao takav se upućuje u daljnju Skupštinsku proceduru.

Poslanik Ivan Odak predložio je slijedeći **amandman**:

Amandman 1.:

U članu 110. stav 5. „Po isteku mandata direktora Ustanove socijalne skrbi iz stavova 1 i 2 ovog člana ista osoba može, na osnovu javnog poziva, ponovno biti imenovana za direktora u istoj ustanovi, a najduže još jedan mandat“.

Član 111. stav 3. mijenja se i glasi: „Da ima završen najmanje prvi ciklus bolonjskog sustava studiranja visokog obrazovanja usmjerenja Socijalnog rada ili Visoke zdravstvene škole, odnosno najmanje četvrti stupanj srednje stručne spreme medicinskog usmjerenja s 5 godina radnog iskustva u struci.“

Zastupnik Ismet Lulić predložio je slijedeće **amandmane**:

Amandman 1.:

Član 111. da se u stavu 1. nakon rečenice „da ima završen sedmi stupanj stručne spreme odnosno završen najmanje prvi ciklus bolonjskog sustava studiranja Visokog obrazovanja“ - dodaju se riječi: „da ima stručnu spremu iz oblasti socijalnog rada, prava, psihologije ili pedagogije, (ili)“.

Amandman 2.:

Član 111. da u stavu 2. dodamo „Bliži uvjeti za imenovanje direktora Ustanove socijalne zaštite koja se odnosi na vrstu stručne spreme, uredit će se Pravilnikom koji donosi Ministar.“

Amandman 3.:

Član 111. dodati stav 4. koji glasi: „Mandat direktora traje 4 godine.“

Amandman 4.:

Član 111. dodati stav 5. koji glasi: „Po isteku mandata ista osoba može, na osnovu Javnog poziva, ponovno biti imenovana za direktora u istoj Ustanovi socijalne zaštite, ali najviše za još jedno mandatno razdoblje.“

Zastupnica Vesna Šunjić predložila je slijedeće **amandmane**:

Amandman 1.:

Član 9. (Značenje pojedinih izraza) u tačkama c) i o) mijenja se i glasi:

- c) **Temeljne životne potrebe** su prehrana, smještaj, odjeća, obuća i druge stvari za osobne potrebe, njegu, kućne potrepštine, grijanje i zdravstvene potrebe, odnosno pristup zdravstvenim uslugama i mentalnom zdravlju, a obuhvaćaju i sudjelovanje u životu zajednice, samostalno kretanje u stanu i izvan stana, uzimanje hrane, oblačenje, održavanje osobne higijene, te drugih temeljnih fizioloških potreba.

Kod djece i odraslih s invaliditetom osim temeljnih životnih potreba postoje i dodatne potrebe koje proizlaze iz njihovog tjelesnog, duševnog ili osjetilnog invaliditeta, odnosno višestrukog invaliditeta radi njihovog aktivnog uključivanja u svakodnevni život zajednice na ravnopravnim temeljima s drugima;

o) **Beskućnik** je osoba koja nema gdje stanovati, boravi na javnom ili drugom mjestu koje nije namijenjeno za stanovanje i nema sredstava kojima može podmiriti potrebu stanovanja. Beskućništvo može biti privremeno, dugotrajno, skriveno;

Amandman 2.:

Član 34. (Usluga podrške u zajednici)

- (1) Usluga podrške u zajednici je usluga koja podržava boravak korisnika u porodici ili u njegovom neposrednom okruženju, a sukladno individualnom planu.
- (2) Usluga podrške u zajednici organizira se kao:
 - a) dnevni boravak;
 - b) pomoć u kući;
 - c) stanovanje u zajednici uz podršku.

Mijenja se na način da se dodaju u stavak b) dodaju riječi kućna njega, te stavke:

d) osobni asistent

e) asistent u obrazovanju

Čime član 34 postaje:

Član 34.

(Usluga podrške u zajednici)

- (3) Usluga podrške u zajednici je usluga koja podržava boravak korisnika u obitelji ili u njegovom neposrednom okruženju, a sukladno individualnom planu.
- (4) Usluga podrške u zajednici organizira se kao:
 - a) dnevni boravak;
 - b) kućna njega i pomoć u kući
 - c) stanovanje u zajednici uz podršku;
 - d) osobni asistent;
 - e) asistent u obrazovanju.

Te, posljedično član

Član 38.

(Pomoć u kući)

Postaje

Član 38.

(Kućna njega Pomoć u kući)

Amandman 3.:

Član 90. (Izrada individualnog plana) mijenja se i glasi:

(1) Stručni djelatnici Centra u suradnji s korisnikom prava i usluga u sustavu socijalne skrbi definiranim članom 25., njegovim zakonskim zastupnikom ili skrbnikom i članovima njegove obitelji, pružateljem socijalne usluge i po potrebi stručnjacima iz drugih ustanova i institucija, obvezno izrađuju individualni plan.

(2) Individualni plan sadrži planirane ciljeve, aktivnosti, pokazatelje, rokove i nositelje izvršenja aktivnosti kojima se ostvaruje skrb u najboljem interesu korisnika, te način praćenja i preispitivanja individualnog plana.

Poslanica Dragica Suša predložila je slijedeći **amandman**:

Amandman 1.:

Predlažem da se u članu 111. stav 1. briše stav 9. – da nije imenovani ili izabrani zvaničnik na bilo kojoj razini vlasti u Bosni i Hercegovini.

Poslanik Arman Zalihić predložio je slijedeći **amandman**:

Amandman 1.:

U članu 177. iza riječi „Županije“, riječi: „a primjenjivati će se od 1.1.2025. godine“ brišu se.

7. Prijedlog Zakona o studentskom radu u HNK (skraćeni postupak)

Obrazloženje je dao Tomislav Martinović, zamjenik predsjedavajućeg Skupštine HNK.

Otvorena je rasprava.

Ispred Komisije za zakonodavno pravna pitanja obrazloženje je dao Daniel Babić, predsjednik istog:

Komisija za zakonodavno-pravna pitanja na današnjoj sjednici razmatrala dostavljeni Prijedlog Zakona o studentskom radu te je jednoglasno usvojilo Zaključak: Prijedlog Zakona o studentskom radu ima ustavni i zakonski osnov za donošenje i dostavljen je od strane ovlaštenog predlagatelja.

Na dostavljeni Prijedlog Zakona Vlada HNK-a u roku od 45 dana nije dostavila traženo mišljenje te su se sukladno članu 2. Zaključka Skupštine HNK-a broj 021172/21 od 02. 08. 2021. godine ispunili uvjeti za nastavak skupštinske procedure.

I obzirom da nije u pitanju obiman i složen zakon ispunjeni su svi uvjeti da se isti sukladno članu 125. Poslovnika o radu Skupštine razmatra po skraćenom postupku.

Poslanik Zoran Mikulić predložio je slijedeće **amandmane**:

Amandman 1.:

U članu 2. Prijedloga Zakona o studentskom radu u HNK-u u točki a iza riječi BiH dodaju se riječi ili koja redovito studira na Visokom učilištu izvan BiH ili je na studentskoj razmjeni za vrijeme studiranja u BIH.

Amandman 2.:

U članu 4. iza stava 5. dodaju se novi stavovi 6., 7., 8., i 9., i glase:

6. Naručilac posla je dužan svakodnevno voditi evidenciju o studentima angažiranim poslom ovog Zakona.

7. Evidencija iz stava 1 ovog člana mora sadržavati podatke o početku i završetku radnog vremena, smjenama i druge podatke o prisustvu studenta na radu.

8. Naručilac posla je dužan ovlaštenom licu predložiti evidencije iz ovog člana.

9. Naručilac posla dužan je po završetku obavljanja studentskog posla, a za potrebe obračuna naknade dostaviti posredniku evidencije rada.

Član 17. briše se.

Amandman 3.:

U članu 6. iza stava 5. dodaje se novi stav 6. i glasi: pravilnik o ispunjavanju propisanih uslova za posredovanje, način obavljanja poslova, upućivanje na rad, vođenju evidencija, kontroli obračuna naknade za obavljanje studentskog posla, propisanih doprinosa, naknada za posredovanje i ostalim obavezama posrednika donosi Ministar nadležan za Visoko obrazovanje.

Amandman 4.:

Iza člana 11. dodaje se novi član 12. i glasi:

Član 12. (sloboda ugovaranja): Naručilac posla i izvođač nisu dužni ugovarati poslove preko posrednika. Član 12. postaje novi član 13. i tako redom.

Amandman 5.:

U članu 12., koji bi bio sada član 13., stava 1. u tački 3. broj „12“ zamjenjuje se brojem „5“.

Iza stava 8. dodaje se novi stav 9. i glasi: Naručitelj posla je oslobođen plaćanja doprinosa za osnovno zdravstveno osiguranje i za osiguranje u slučaju nezaposlenosti.

Amandman 6.:

U članu 13. koji bi bio sada član 14. u stavu 1. iza riječi „posrednika“ dodaje se zarez i riječi: ukoliko je isti posredovao kod pronalaženja posla.

Iza stava 4. dodaje se novi stav 5. i glasi: Ministar, nadležan za visoko obrazovanje, pravilnikom propisuje oblik obrasca ugovora te oblik i način dostavljanja podataka iz stavka 1. ovog člana.

Amandman 7.:

U članu 14. sada 15. u stavu 4. iza riječi „posredniku“ dodaje se zarez i riječi: ukoliko je isti posredovao kod pronalaženja posla.

Amandman 8.:

U članu 15. sada 16 u stavu 1. broj 20 zamjenjuje se brojem 40.

Amandman 9.:

Član 17. briše se.

Amandman 10.:

Iza člana 19. dodaje se novi član 20. i glasi:

(prava i obaveze izvođača i naručioca):

1) Naručilac posla je obavezan posrednik ukoliko je isti posredovao kod pronalaženja posla za račun izvođača za obavljanje posla isplatiti naknade, izvođač je obavezan prema uputama koje naručitelj posla daje u skladu s naravi i vrstom posla osobno obavljati preuzeti posao.

2) Naručilac posla je dužan posredniku ukoliko je isti posredovao kod pronalaženja posla za račun izvođača isplatiti naknade za obavljeni posao najkasnije 15 dana od završetka posla.

3) Izvođač ima pravo na 50 %-tno uvećanje naknade za sate rada za državnog blagdana, za rad noću, prekovremeni rad, za rad nedjeljom.

4) Izvođač ima pravo na naknadu putnih troškova, naknadu za topli obrok i druge naknade ako su ugovorene.

5) Naručilac posla ima pravo pobliže odrediti mjesto i način obavljanja posla poštujući pri tome prava i dostojanstvo izvođača.

6) Naručilac posla koji je poslove, poslovno uvjetovanim otkazom otkazao izvođaču ne smije šest mjeseci od dana dostave Odluke o otkazu Ugovora o radu izvođaču za tu vrstu poslova sklopiti ugovor o obavljanju studentskih poslova.

7) ako u roku iz stava 6 ovoga člana nastane potreba zapošljavanja za obavljanje istih poslova, a izvođač kojemu je naručitelj posla otkazao zbog poslovno uvjetovanih razloga ne prihvati sklapanje Ugovora o radu naručilac posla može sklopiti novi Ugovor.

8) Naručilac posla je dužan zaštititi dostojanstvo izvođača za vrijeme obavljanja posla od postupanja nadređenih suradnika i osoba s kojima je izvođač radova redovno dolazi u doticaj u obavljanju svojih poslova. Ako je takvo postupanje neželjeno i u suprotnosti s ovim Zakonom i drugim propisima kojima se uređuje zaštita dostojanstva radnika.

9) U slučaju nastanka okolnosti iz stava 8 ovog člana izvođač se može obratiti osobi koju je ovlastio naručilac posla za zaprimanje i rješavanje pritužbi vezanih za zaštitu dostojanstva pri obavljanju studentskih poslova.

10) Izvođač koji obavlja studentske poslove može te poslove obavljati samostalno i bez nazočnosti naručitelja posla.

Amandman 11.:

U članu 23. sada član 24. iza stava 3. dodaju se novi stavci 4. i 5. i glase:

4) Ministar nadležan za Visoko obrazovanje će u roku od 60 dana od dana stupanja na snagu ovog Zakona donijeti Pravilnike iz člana 6 stava 6 i člana 14 stav 5 ovog Zakona.

5) Naručioци posla iz člana 2 tačka b dužni su u roku od 60 dana od dana stupanja na snagu ovoga Zakona prilagoditi svoje poslovanje, poslovne dokumente i opće akte članu 2 ovoga Zakona.

Stav 4. postaje stav 6.

Ispred Kluba poslanika SDA u Skupštini HNK, zastupnik Harun Kurtović predložio je sljedeće amandmane:

Amandman 1.:

U članu 2.iza tačke d) dodaje se nova tačka e) koja glasi:

„Posrednik može biti i visokoškolska ustanova samo ukoliko nema studentski centar ili centar za studentski standard kao organizacionu jedinicu ili stalnu članicu, u skladu sa svojim općim aktima, a koja ima rješenje o odobravanju obavljanja djelatnosti posredovanja koju je izdao nadležni sud i potvrdu o ispunjavanju uvjeta za obavljanje djelatnosti koju izdaje Ministarstvo obrazovanja, nauke, kulture i sporta HNK (u daljnjem tekstu: Ministarstvo)“.

Amandman 2.:

Član 6. stav 1. mijenja se i glasi: „Djelatnost posredovanja pri obavljanju studenstkih poslova može obavljati studentski centar koji je osnovan kao ustanova od visokoškoleske ustanove na području kantona u kojoj je sjedište te visokoškolske ustanove ili njegove sastavnice ili visokoškolska ustanova koja ima centar za studentski standard kao organizacionu jedinicu ili visokoškolska ustanova koja nema studentski centar ili centar za studentski standard kao organizacionu jedinicu, u skladu sa svojim općim aktima, a koja imaju rješenje o odobravanju obavljanja djelatnosti posredovanja koju je izdao nadležni sud i potvrdu u ispunjavanju uvjeta za obavljanje djelatnosti koju izdaje Ministarstvo obrazovanja, nauke, kulture i sporta HNK (udaljnem tekstu: Ministarstvo).

U članu 6. stav 4. tačka 1. broj „150“ zamjenjuje se brojem „100“.

U članu 6. stav 4.tačka 2. mijenja se i glasi :

„osiguravati uslugu studentske prehrane s minimalno 85 sjedećih mjesta u studentskom restoranu u vlasništvu ili u ugostiteljskim objektima sa kojima posrednik ima potpisan ugovor o prehrani studenata.“

Amandman 3.:

U članu 8. stav 6. riječi „pružiti ostvarivanjem svih prava iz ugovora, izvođača pravnu pomoć i zaštitu u vezi sa ostvarivanjem svih prava iz ugovora“ mijenjaju se i glase „ zaštititi izvođača i pružiti mu pravnu pomoć i zaštitu u vezi s ostvarivanjem svih prava iz ugovora.“

U članu 8. stav 8. riječi „zastupati izvođača“ mijenjaju se i glase „ pomagati izvođaču“

U članu 8. stav10. riječi „pokrenuti postupak“ mijenjaju se i glase „ pomoći izvođaču kod pokretanja postupka“.

Amandman 4.:

U članu 9. stav 2. riječi „smatra i studentskom praksom“ zamjenjuje se riječima „, može smatrati studentskom praksom u skladu s općim aktima visokoškolske ustanove“.

Amandman 5.:

U članu 11.stav 5. riječi „za mirovinsko osiguranje“ zamjenjuje se riječima „Federalnog zavoda za penzijsko i invalidsko osiguranje“.

Amandman 6.:

U članu 12. stav 5. riječi „obračunava postotak zakonom propisanih doprinosa i postotak naknada za posredovanje“ zamjenjuju se riječima „dodaje zakonom propisani doprinos te postotak naknade za posredovanje.“

U članu 12. stav 6. se briše.

Dosadašnji stavovi 7., i 8. postaju stavovi 6. i 7.

Amandman 7.:

U članu 13. stav 2. iza riječi „prema zakonskim propisima“, treba dodati „a posrednik se obavezuje obaviti djelatnost posredovanja i isplatiti doznačena sredstva naknade na račun studenta.“

Amandman 8.:

Termin „visoko učilište“ u tekstu zamijeniti terminom „visokoškolska ustanova“.

Usljedila je **pauza** od 20 minuta kako bi Vlada HNK razmotrila predložene amandmane na spomenute Zakone, te kako bi se o istima izjasnila.

***Izjašnjavanje o predloženim amandmanima i glasanje o Prijedlogu Zakona o izmjenama i dopunama Zakona o materijalnoj podršci porodicama s djecom (skraćeni postupak)**

Obrazloženje je dala predsjednica Vlade HNK, Marija Buhač.

Amandman poslanika Armana Zalihića, Vlada HNK je prihvatila.

Amandman poslanika Mirka Vasilja, Vlada HNK nije prihvatila, ali na zahtjev istog zastupnika obavljeno je glasanje o predloženom amandmanu.

Nakon glasanja konstatovano je da je sa 8 glasova „Za“, 3 „Protiv“ i 12 „Suzdržanih“ glasova amandman poslanika Mirka Vasilja, nije prihvaćen.

Amandman poslanice Danijele Mišura, Vlada HNK nije prihvatila, ali na zahtjev iste poslanice obavljeno je glasanje o predloženom amandmanu.

Nakon glasanja konstatovano je da je sa 7 glasova „Za“, 1 „Protiv“ i 15 „Suzdržanih“ glasova amandman poslanice Danijele Mišura, nije prihvaćen.

Obavljeno je glasanje o Prijedlogu Zakona o izmjenama i dopunama Zakona o materijalnoj podršci porodicama s djecom uz prihvaćeni amandman poslanika Zalihića.

Nakon glasanja konstatovano je da je navedeni Zakon jednoglasno usvojen.

***Izjašnjavanje o predloženim amandmanima i glasanje o Prijedlogu Zakona o socijalnoj zaštiti**

Obrazloženje je dala predsjednica Vlade HNK, Marija Buhač.

Amandman poslanika Armana Zalihića, Vlada HNK je prihvatila.

Amandman poslanice Dragice Suše, Vlada HNK je djelomično prihvatila, u dijelu rečenice „da nije imenovani ili izabrani zvaničnik“, prihvaćeno je da ostane „**da nije imenovani zvaničnik**“

Amandmani poslanika Ismeta Lulića 1., 2., 3. i 4. Vlada HNK nije prihvatila.

Amandmani poslanice Vesne Šunjić 1., 2. i 3. Vlada HNK nije prihvatila.

Amandman poslanika Ivana Odaka, Vlada HNK nije prihvatila.

Na zahtjev poslanice Vesne Šunjić, obavljeno je glasanje o amandmanu 2. na spomenuti Zakon.

Nakon glasanja konstatovano je da sa 7 glasova „Za“, 2 „Protiv“ i 13 „Suzdržanih“ glasova amandman 2. poslanice Vesne Šunjić, nije prihvaćen.

Na zahtjev poslanika Ivana Odaka, obavljeno je glasanje o predloženom amandmanu na spomenuti Zakon.

Nakon glasanja konstatovano je da sa 7 glasova „Za“, 4 „Protiv“ i 12 „Suzdržanih“ glasova amandman 2. poslanika Ivana Odaka, nije prihvaćen.

Obavljeno je glasanje o Prijedlogu Zakona o socijalnoj skrbi uz prihvaćeni amandman zastupnika Armana Zalihića i djelomično prihvaćeni amandman zastupnice Dragice Suša.

Nakon glasanja konstatirano je da je većinom glasova „Za i 2 „Suzdržana“ glasa usvojen Prijedlog Zakona o socijalnoj skrbi.

Na prijedlog Kluba HDZ u Skupštini HNK, obavljeno je glasanje o slijedećem Zaključku:

1. Zadužuje se Ministarstvo zdravstva rada i socijalne zaštite HNK da nakon proteka roka od 6. (šest) mjeseci od dana početka primjene Zakona o socijalnoj zaštiti HNK, Skupštini HNK dostavi izvještaj o korištenju prava na stalnu novčanu pomoć, radi eventualne potrebe za donošenje Izmjena i dopuna Zakona o socijalnoj zaštiti HNK.

2. Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Nakon glasanja konstatovano je da je navedeni Zaključak jednoglasno usvojen.

***Izjašnjavanje o predloženim amandmanima i glasanje o Prijedlogu Zakona o studentskom radu u HNK (skraćeni postupak)**

Obrazloženje je dao Tomislav Martinović, zamjenik predsjedavajućeg Skupštine HNK.

Amandmani Kluba poslanika SDA u Skupštini HNK, svih 8. predloženi amandmana su prihvaćeni na spomenuti Zakon.

Predloženi amandmani zastupnika Zorana Mikulića:

Amandman 1. **prihvaćen.**

Amandman 2. **prihvaćen.**

Amandman 3. nije prihvaćen. Obavljeno je glasanje o istom amandmanu.

Nakon glasanja konstatirano je a sa 6 glasova „Za“, 4 „Protiv“ i 12 „Suzdržanih“ glasova navedeni amandman nije prihvaćen.

Amandman 4. nije prihvaćen. Obavljeno je glasanje o istom amandmanu.

Nakon glasanja konstatirano je a sa 7 glasova „Za“, 1 „Protiv“ i 15 „Suzdržanih“ glasova navedeni amandman nije prihvaćen.

Amandman 5. nije prihvaćen. Obavljeno je glasanje o istom amandmanu.

Nakon glasanja konstatovano je a sa 8 glasova „Za“, 0 „Protiv“ i 15 „Suzdržanih“ glasova navedeni amandman nije prihvaćen

Amandman 6. nije prihvaćen. Obavljeno je glasanje o istom amandmanu.

Nakon glasanja konstatovano je a sa 7 glasova „Za“, 0 „Protiv“ i 16 „Suzdržanih“ glasova navedeni amandman nije prihvaćen.

Amandman 7. nije prihvaćen. Obavljeno je glasanje o istom amandmanu.

Nakon glasanja konstatovano je a sa 6 glasova „Za“, 0 „Protiv“ i 17 „Suzdržanih“ glasova navedeni amandman nije prihvaćen.

Amandman 8. nije prihvaćen. Obavljeno je glasanje o istom amandmanu.

Nakon glasanja konstatovano je a sa 6 glasova „Za“, 0 „Protiv“ i 17 „Suzdržanih“ glasova navedeni amandman nije prihvaćen.

Amandman 9. **prihvaćen.**

Amandman 10. nije prihvaćen. Obavljeno je glasanje o istom amandmanu.

Nakon glasanja konstatovano je a sa 7 glasova „Za“, 0 „Protiv“ i 16 „Suzdržanih“ glasova navedeni amandman nije prihvaćen.

Amandman 11. nije prihvaćen. Obavljeno je glasanje o istom amandmanu.

Nakon glasanja konstatovano je a sa 7 glasova „Za“, 0 „Protiv“ i 16 „Suzdržanih“ glasova navedeni amandman nije prihvaćen.

Obavljeno je glasanje o Prijedlogu Zakona o studentskom radu u HNK (skraćeni postupak) sa prihvaćenim amandmanima.

Nakon glasanja konstatovano je da je sa 19 glasova „Za“, 1 „Protiv“ i 3 „Suzdržana“ glasa usvojen Prijedlog Zakona o studentskom radu u HNK (skraćeni postupak) sa prihvaćenim amandmanima.

Obavljeno je glasanje o prijedlogu Zaključka zastupnika Haruna Kurtović:

Zadužuje se Ministarstvo prosvjete, nauke, kulture i sporta HNK da nakon proteka od 6 mjeseci od dana primjene ovog Zakona, Skupštini HNK dostavi Izvješće o implementaciji Zakona radi eventualne potrebe za donošenje izmjena i dopuna Zakona o studentskom radu.

Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Nakon glasanja konstatirano je da je sa 18 glasova „Za“, 1 „Protiv“ i 4 „Suzdržana“ glasa usvojen navedeni Zaključak.

8. Nacrt Zakona o kulturi

Obrazloženje je dao Adnan Velagić, ministar prosvjete, nauke, kulture i sporta u Vladi HNK.

Otvorena je rasprava.

U raspravi su učestvovali: Daniel Babić, Damir Džeba, Ivan Odak i Vesna Šunjić.

Ispred Komisije za zakonodavno pravna pitanja obrazloženje je dao Daniel Babić, predsjednik iste:

Komisija je jednoglasno usvojila Zaključak da dostavljeni Nacrt Zakona o kulturi ima ustavni zakonski osnov za donošenje i dostavljen je od strane ovlaštenog predlagatelja.

Na dostavljeni Nacrt Zakona Komisija nema formalni primjedbi na sadržaj postupka donošenja i kao takav upućuje ga u daljnju skupštinsku proceduru.

Predsjedavajući Skupštine HNK Džafer Alić, predložio je slijedeći Zaključak:

1.Prihvaća se Nacrt Zakona o kulturi, kao dobra osnova za izradu Prijedloga Zakona.

2.Primjedbe, prijedlozi i mišljenja na Nacrt Zakona o kulturi iznijeti na sjednici Skupštine, dostavit će se Vladi HNK na razmatranje.

Poslanicima se ostavlja rok od 15 dana da u pisanom obliku dostave dodatne primjedbe i prijedloge na Nacrt Zakona o kulturi.

3. Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Obavljeno je glasanje o navedenom Zaključku.

Nakon glasanja konstatovano je da je sa 19 glasova „Za“, 0 „Protiv“ i 2 „Suzdržana“ glasa usvojen navedeni Zaključak.

9. Nacrt Zakona o upravljanju i održavanju zajedničkih dijelova i uređaja zgrada

Obrazloženje je dao Bekir Isaković, ministar građenja i prostornog uređenja u Vladi HNK.

Otvorena je diskusija.

U diskusiji su učestvovali: Daniel Babić, Zoran Mikulić, Ivana Buntić-Jovanović, Zoran Krešić, Vesna Šunjić i Damir Džeba.

Ispred Komisije za zakonodavno pravna pitanja obrazloženje je dao Daniel Babić, predsjednik iste:

Komisija za Zakonodavno pravna pitanja je razmatralo dostavljeni Nacrt Zakona o upravljanju i održavanju zajedničkih dijelova i uređaja zgrada te jednoglasno usvojilo Zaključak: Nacrt Zakona o upravljanju i održavanju zajedničkih dijelova i uređaja zgrada ima ustavni i zakonski osnov za donošenje i dostavljen je od strane ovlaštenog predlagatelja.

Na dostavljeni Nacrt Zakona Komisija nema formalnih primjedbi na sadržaj i postupak donošenja i kao takav se upućuje u daljnju Skupštinsku proceduru.

Predsjedavajući Skupštine HNK Džafer Alić, predložio je slijedeći Zaključak:

1. Prihvaća se Nacrt Zakona o upravljanju i održavanju zajedničkih dijelova i uređaja zgrada, kao dobra osnova za izradu Prijedloga Zakona.

2. Primjedbe, prijedlozi i mišljenja na Nacrt Zakona o upravljanju i održavanju zajedničkih dijelova i uređaja zgrada iznijeti na sjednici Skupštine, dostavit će se Vladi HNK na razmatranje.

Poslanicima se ostavlja rok od 15 dana da u pisanom obliku dostave dodatne primjedbe i prijedloge na Nacrt Zakona o upravljanju i održavanju zajedničkih dijelova i uređaja zgrada.

3. Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

10. Prijedlog Odluke o utvrđivanju osnovica, stopa i načinu obračuna i uplate doprinosa za obavezno zdravstveno osiguranje na području HNK

Obrazloženje je dala Marija buhač, predsjednica Vlade HNK.

Otvorena je diskusija.

U diskusiji nije nitko učestvovao.

Obavljeno je glasanje o Prijedlogu Odluke o utvrđivanju osnovica, stopa i načinu obračuna i uplate doprinosa za obavezno zdravstveno osiguranje na području HNK.

Nakon glasanja konstatovano je da je sa 21. glasom „Za“, 0 „Protiv“ i 2 „Suzdržana“ glasa usvojena navedena Odluka.

11. Zaključak o obrazovanju

Predsjedavajući Skupštine HNK Džafer Alić, predložio je slijedeći Zaključak:

1.Zadužuje se Vlada HNK da u roku od 10 dana dostavi cjelovitu Informaciju o stanju u osnovnom i srednjem obrazovanju sa prijedlogom mjera.

2.Zadužuje se Vlada HNK da u roku od 30 dana dostavi cjelovitu Informaciju o stanju u visokom obrazovanju sa prijedlogom mjera, radi razmatranja na sjednici Skupštine HNK.

3.Odmah po prijemu materijala Kolegij će zakazati tematsku sjednicu Skupštine HNK.

4.Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Obavljeno je glasanje o navedenom Zaključku.

Nakon glasanja konstatovano je da je navedeni Zaključak jednoglasno usvojen.

12. Zaključak o prirodnim nepogodama

Predsjedavajući Skupštine HNK Džafer Alić, predložio je slijedeći Zaključak:

1.Zadužuje se Vlada da u roku od 30 dana dostavi i na prvoj sljedećoj sjednici prezentira Skupštini Informaciju o poduzetim aktivnostima u jedinicama lokalne samouprave (Mostar, Konjic, Jablanica) nakon prirodne nepogode koja je pogodila ove jedinice lokalne samouprave 4.10.2024.godine.

2.Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Obavljeno je glasanje o navedenom Zaključku.

Nakon glasanja konstatovano je da je navedeni Zaključak jednoglasno usvojen.

Sjednica je završila s radom u 18:30 sati.

PREDSJEDAVAJUĆI

Džafer Alić